



Inatsisartunut ilaasortaq Michael Rosing, Demokraatit  
Maani/

### § 37 naapertorlugu apeqqutip nr. 2017-128-p akineqarnera

Ulloq: 19-04-2017  
Sullap normua: 2017 - 8124  
Allakkat nr. 4976893

Inatsisartut suleriaasissaanni § 37, imm. 1 malillugu Naalakkersuisunut apeqquteqaate-qarputit. Apeqqut uanga suliaasaqarfigisannit akineqartussanngorlugu innersuunneqar-poq.

Postboks 269  
3900 Nuuk  
Oqarasuaat (+299) 34 50 00  
Fax (+299) 34 63 55  
E-mail: apnn@nanoq.gl  
www.naalakkersuisut.gl

#### Apeqqut:

1. Pisassiissutit 10 %-ii Naalakkersuisut immikkoortinnikuusaat, paasisakka naa-pertorlugit qaammatit tallimat missaani aalisartitsinissamut, 2016-imi angallatit pioreersut aalisarnikuusimmata katillugit qaammatit 50-it missaanni. Aalisarnermut Naalakkersuisup siusinnerusukkut apeqqutinnut ulloq 7. marsi akissutaani paasivara, inuiaqatigiit aningaasarsiornerat eqqarsaatigalugu taa-maaliornissaq silatusaarnerunngitsoq, taamaattumik apeqqutigerusuppara ingerlatsineq eqqarsaatigalugu imminut akilersinnaanersoq, aningaasaliinermut tunngavigissallugu qaammatit tallimat missaanni aalisarnissaq.

2. Naalakkersuisut taakkununga pisassiissutit 10 %-iinut qinnuteqartunik pingaarnersi-uinissap qanoq ingerlanissaa takorloorpaat? Pingaarnersi-uinermi tunngaviginarneqar-nerluni aalisalerumartussat aningaasarsiornikkut allaffissornikkullu suliamik kivitsisin-naanissaat, isertortukkut akunnermiliuttoqarsinnaanera pinaveersimatinniartlugu?

3. Aalisarnermut Naalakkersuisup aalisartut nunaqavissut pinerarpai, maannakkut salliut-inneqartussatut. Imatut paasineqassanerluni aalisartitseqatigiiffiit pioreersut aalisarner-mut inatsimmi piginnittuunermut aalajangersakkanik malinnissimannimmata nunaqa-vissutut isigineqarsinnaanngitsut imaluunniit aalisartunut immikkoortitereriaatsimik nu-taamik takkuttoqarsimanerluni, Naalakkersuisup innersuussutigisaanik?

4. Paasivara aalisarnermut tassunga atatillugu aalisariutit taartissaannik nutaamik angallammik sanasoqartoq. Inuussutissarsiummi tassani uanga paasisakka naaper-torlugit aningaasaliissutit tamakkiisut 1 milliard koruunit sinnerpaat. Naalakkersuisup misissorsimanerlugu aalisariutit taakku akilersinnaassusaat qanoq sunnerneqassaner-soq, ikilisaanermi taamatullu ukiuni aggersuni pisassiissutit ikilisarneqartarnissaannit, Naalakkersuisup apeqqutinnut ulloq 7. marsi akissutaani allassimasutut.

#### Akissut:

##### Uunga 1)

Angallat nutaaq qaammatini tallimani aalisartussaq qaammatini qulini aalisartussamiit ingerlatsineq eqqarsaatigalugu imminut akilersinnaassusaa annikinnerunissaa qularnan-

ngilaq. Aappaatigulli ilisimaneqanngitsut assersuutigalugit aalisakkat akii aningaasartuutiginartullu imminut akilersinnaassutsimut iluaqataaqataasinnaapput.

Uunga 2)

Qalerallit, saarullit suluppaakkallu pisassiissutissanit 10 %-iisa agguanneqarnissaat pillugit piumasaqaatit suut atuuttussaassanersut Naalakkersuisut allaaserinninnerup naalaani aalajangersimanngilaat. Taamaammat apeqqut toqqaannartumik akisinnaanngilara kisianni soorunami ingerlatseqatigiiffinnik akunnermiliuttunik pilersitsisoqarsinnaanissaanut tunngaviliornissamut siunertaqanngilanga.

Uunga 3)

Umiarsuaatileqatigiiffiit pioreersut aalisarnej pillugu inatsisini piumasaqaatit malippaat taamaammallu nunaqavissutut taaneqarsinnaallutik. §37 naapertorlugu apeqqut nr. 2017-105-imut akissunni uparuartornittut aalisartartut sullerissusaat pikkorissusaallu nuannaarutigisassaraarput.

Uunga 4) Naagga, taamaaliornikuunngilanga. Nunatsinni pisuussutit pingaarnerpaat ingerlatsisunut ikittuinnarnut tutsinneqartannginnissaat pingaartippara. Taamaammat aalisarnej eqqarsaatigalugu ingerlatsisunut nutaanut ammaassisoqarnissaa uanga Naalakkersuisullu anguniagaraarput.

Inussiarnersumik inuulluaqqusillunga

  
Haris Enoksen